

յի, Թինլանդերայի, Լեհաստանի անկախութիւնները (Ձայներ՝ «լաւ ֆանա-
չեցիք, երբ ձեր ատամները ջարդեցիք»)։ Ճանաչեցինք Վրաստանի անկա-
խութիւնը. ճանաչել ենք, ճանաչում ենք և կը ճանաչենք Հայաստանի
անկախութիւնը, քանի որ այդպէս է ցանկանում հայ աշխատաւոր ժողո-
վուրդը (Ձայներ՝ «Էնվերը կը մեղանայ», «ձեր դաշնակից Մուստաֆա
Քեմալ փաշան էլ ձեզ պէս է ցանկանում և ֆանաչում», «Իսկ Ղարաբա՞ղը,
Զանգեզու՞րը, Ղազախի դէպքե՞րը»։ Մէկը հուժկու ձայնով՝ «շատ մի
խօսիր, Ղարաբա՞ղը տուր»)։ Մեր քաղաքականութիւնը եղել է խաղաղու-
թեան քաղաքականութիւն (ծիծաղ, սուլոց, ձայներ՝ «սո՛ւտ է, սո՛ւտ է»)։
Բազմաթիւ ճակատներում մեր թափած արեան մեղքը մերը չէ (Ձայներ՝
«ձե՛ր մեղքն է, մի օր կը պատասխանե՛ք առաւելորդիս այդ արեան
համար»)։ Այդ արիւնը ընկնում է Անտանտի վրա։ (Ձայներ՝ «ո՛չ ձեր վրա,
բոլշևիկներիդ վրա, աւագակնե՛ր»)։ Արեւելքում մենք օգնում ենք և պաշտ-
պանում ենք ճնշած ազգերը ընդդէմ Անտանտի։ Մեզ համար թանկ են հայ
աշխատաւոր զանգեւածների շահերը (Ձայներ՝ «սո՛ւտ է, մի՛ վիրաւորե՛ք այդ
ժողովրդին»)։ Թանկ են և Պարսկաստանի, Հնդկաստանի և Տաճկաստանի
աշխատաւորութեան շահերը (Ձայներ՝ «ո՛չ, քանզի եմ ձեզ համար Էնվէր
փաշաների ու բէգերի շահերը»)։ Բայց Դաշնակցութիւնը իմպերիալիստների
կողմն է բռնել և Հայաստանը դարձնում է գէնք Անտանտի ձեռքին։ (Ձայներ՝
«սո՛ւտ է՛ք ատում, Դաշնակցութիւնը իմէք հայ աշխատաւորութիւնն է»)։
Հայ ժողովուրդը պէտք է ընտրի երկուսից մէկը՝ ցանկանում է լինել մե՞ղ
հետ (ձայներ՝ «հայ ժողովուրդը Էնվէր չէ»), թէ՞ չարունակել հին քաղա-
քականութիւնը։ Երկու ամիս առաջ մենք մեր միջնորդութիւնը առաջարկե-
ցինք Հայաստանին և Տաճկաստանին։ (Ձայներ՝ «սուտ է՛ք խօսում, ձեր
միջնորդութիւնը արտայայտեց Ղարաբաղում, Զանգեզուրում, Ղազախում,
Նախիջևանում»)։ Հայաստանը մինչև այսօր չի պատասխանել, իսկ Տաճ-
կաստանը համաձայնեց (սուլոցներ, «կորչի՛ք»-ներ)։ Իմ կառավարութիւնը
այսօր էլ նոյն վճռի վրա է։ Ահա իմ պատասխանը։

Սուլոցների, անվերջ «կորչի»-ների և սպառնական աղաղակների
տարալի տակ Ստարկը թողեց պատշգամբը, իսկ միտինդը դեռ երկար
չարժանակում էր խորհրդային ներկայացուցչութեան պատուհանների տակ։

Նոյն անվերապահ թշնամանքով ընդունեցին պատերազմի լուրը և
վրաց քաղաքական շրջանները, բացի ծայրայեղ ազգայնականներից, որոնք
Քեմալի յարձակումը համարում էին յարմար առիթ լուծելու համար Լոռիի
և Ախալքալաքի հարցերը. «Որ Քեմալ փաշան Հայաստանը ատում է, դրում
էր «Էրթօրա»-ն (№ 2279), այդ ոչ ոքի համար դադարեց չէ։ Բայց մենք
չէինք կարծում, որ կոմունիստները այն աստիճան կը ստորանային, որ
իրենց ձեռքը կը մեկնէին այդ մարդուն — վերջին պատերազմի ընթացքում
սարսափելի մերկութեամբ հանդէս եկած իր մարդակերութեամբ և բռնա-
կալութեամբ... Այսօր ուսական իմպերիալիզմի մերկանային ու թիւրքերայի
հետ բարեկամանալը անվիճելի փաստ է... Ինչո՞վ կարելի է արդարացնել
Քեմալի յարձակումը. — միմիայն նրա վայրենի դիտաւորութիւններով։
Ինչպիսի՞ դրդապատճառներ են գործի մղում նրան. — միմիայն ատելութիւնը
դէպի Հայաստանը»։ «Թիւրքերը նպատակ ունեն կարս—Սարըղամիշի ուղ-
ղութեամբ, դրում էր «Բօրբա»-ն, ամբողջ Հայաստանի վրայով միանալ
բոլշևիկներին։ Հայ ժողովրդին, Հայաստանին անմիջապէս վտանգ է սպառ-
նում։ Մենք պարտաւոր ենք հուժկու ձայն բարձրացնել հայ ժողովրդի
ինքնապաշտպանութեան իրաւունքի համար... Եթէ Քեմալին յաջողւի